



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ
ԻՐԱՎԱԲԱՆԱԿԱՆ ՎԱՐՉՈՒԹՅՈՒՆ**

ՈՐՈՇՈՒՄ N 1507699

ՎԱՐՉԱԿԱՆ ԱԿՏԻ ՓՈՓՈԽՄԱՆ ՎԵՐԱԲԵՐՅԱԼ

16 հունիսի 2020թ.

ք. Երևան
(կազմման վայրը)

Ես՝ ՀՀ ՊԵԿ իրավաբանական վարչության պետ Ա.Մնացականյանս, ուսումնասիրելով Ա/Ձ Անահիտ Բաղդասարյանի վերաբերյալ կայացված 09.04.2020թ-ի թիվ 1507699 վարչական ակտը.

ՊԱՐԶԵՑԻ

ՀՀ ՊԵԿ ՀՕՀ վարչության պետի 09.04.2020թ-ի թիվ 1507699 որոշման համաձայն Ա/Ձ Անահիտ Բաղդասարյանի (ՀՎՀՀ 27960469) նկատմամբ իրականացվել է օպերատիվ-հետախուզական միջոցառումներ:

Ա/Ձ Անահիտ Բաղդասարյանի նկատմամբ իրականացված օպերատիվ հետախուզական միջոցառումների արդյունքում պարզվել է, որ Ա/Ձ Անահիտ Բաղդասարյանը ՕՀ միջոցառումների ժամկետներում 18.03.2020թ-ին ք. Երևան, Շահումյան 17 փող. 49 հասցեից փաստացի տեղափոխել է ընդհանուր 37.400 ՀՀ դրամ արժեքով 50կգ. բանջարեղենային թթու:

ՀՀ ՊԵԿ տեղեկատվական բազայում առկա տվյալների համաձայն՝ Ա/Ձ Անահիտ Բաղդասարյանի կողմից 18.03.2020թ-ին տեղափոխված 50կգ. բանջարեղենային թթվի համար դուրս չի գրել համապատասխան հաշվարկային փաստաթուղթ:

Վերոգրյալը հաստատվել է Ա/Ձ Անահիտ Բաղդասարյանի կողմից 26.03.2020թ-ին ներկայացված գրավոր հայտարարությամբ:

Թիվ 1507699 արձանագրությամբ 26.03.2020թ. հարուցվել է վարչական վարույթ: Կողմը, պատշաճ ծանուցված լինելով, չի ներկայացել վարչական վարույթին: Գործում առկա չեն լրացուցիչ ապացույցներ, չեն ներկայացվել միջնորդություններ:

Վարչական վարույթի շրջանակներում ձեռք բերված նյութերը հիմք ընդունելով ՀՀ ՊԵԿ իրավաբանական վարչության պետի կողմից 09.04.2020թ-ին կայացվել է թիվ 1507699 որոշումը Ա/Ձ Անահիտ Բաղդասարյանին 200.000 դրամի չափով տուգանք առաջադրելու վերաբերյալ:

Վարչական ակտի վերանայման շրջանակներում պարզվել է նաև, որ Ա/Ձ Անահիտ Բաղդասարյանը 23.01.2020թ-ին հարկային մարմին է ներկայացրել միկրոձեռնարկատիրության սուբյեկտ համարվելու վերաբերյալ հայտարարություն:

Համաձայն ՀՀ Հարկային օրենսգրքի 267-րդ հոդվածի 1-ին մասի 1-ին կետի՝ սույն հոդվածի 3-րդ մասով սահմանված պայմանը բավարարող ռեզիդենտ առևտրային կազմակերպությունները և անհատ ձեռնարկատերերը (բացառությամբ սույն հոդվածի 5-րդ մասով սահմանված դեպքերի) միկրոձեռնարկատիրության սուբյեկտներ են համարվում հետևյալ դեպքերում և ժամկետներում.

1) տվյալ հարկային տարվա հունվարի 1-ից մինչև տվյալ հարկային տարվա ավարտը (բացառությամբ Օրենսգրքի 254-րդ հոդվածով սահմանված՝ հարկային տարվա ընթացքում շրջանառության հարկ վճարող համարվելու կամ Օրենսգրքի 59-րդ հոդվածով սահմանված՝ հարկային տարվա ընթացքում ԱԱՀ վճարող համարվելու դեպքերի), եթե հարկ վճարողը մինչև տվյալ հարկային տարվա փետրվարի 20-ը ներառյալ հարկային մարմին է ներկայացրել հարկային մարմնի հաստատած ձևով՝ միկրոձեռնարկատիրության սուբյեկտ համարվելու վերաբերյալ հայտարարություն:

ՀՀ հարկային օրենսգրքի 410-րդ հոդվածի 3-րդ մասի համաձայն՝ «Օպերատիվ-հետախուզական գործունեության մասին» Հայաստանի Հանրապետության օրենքով սահմանված կարգով իրականացվող օպերատիվ-հետախուզական միջոցառումների ընթացքում Օրենսգրքով սահմանված կարգով միկրոձեռնարկատիրության սուբյեկտ համարվող հարկ վճարողների կողմից ապրանքների մատակարարման կամ տեղափոխության փաստաթղթավորման կամ ապրանքների հետազոտության ապահովման համար Օրենսգրքով սահմանված պահանջների խախտման՝ Օրենսգրքով սահմանված պահանջները չբավարարող ուղեկցող փաստաթղթով կամ առանց ուղեկցող փաստաթղթի կամ առանց ապրանքների հետազոտությունն ապահովող էլեկտրոնային սարքի ապրանքների մատակարարման կամ տեղափոխության հայտնաբերման դեպքում կիրառվում է նախազգուշացում, իսկ նախազգուշացումը կիրառելուց հետո՝ մեկ տարվա ընթացքում, սույն մասով սահմանված երկրորդ փաստ արձանագրվելու դեպքում վարչական ակտն ուժի մեջ մտնելու օրվան հաջորդող օրվանից հարկ վճարողը դադարում է համարվել միկրոձեռնարկատիրության սուբյեկտ:


Վերը նշվածից ելնելով փաստում ենք, որ Ա/Ձ Անահիտ Բաղդասարյանը, 23.01.2020թ-ին միկրոձեռնարկատիրության սուբյեկտ համարվելու վերաբերյալ հայտարարության ներկայացմամբ 2020թ-ի հունվարի մեկից համարվում է միկրոձեռնարկատիրության սուբյեկտ, որպիսի հանգամանքով պայմանավորված, 09.04.2020թ-ի թիվ 1507699 արձանագրությամբ ամրագրված խախտման համար վերջինիս նկատմամբ տուգանքի տեսքով հարկային պատասխանատվության փոխարեն նախատեսված է նախազգուշացումը:

Ելնելով վերոգրյալից և ղեկավարվելով «Վարչարարության հիմունքների և վարչական վարույթի մասին» ՀՀ օրենքի 51-րդ հոդվածի 1-ին մասի բ) կետով, ՀՀ ՊԵԿ նախագահի 28.08.2019թ. N 562-Լ հրամանով՝

ՈՐՈՇԵՑԻ

ՀՀ ՊԵԿ իրավաբանական վարչության պետի 09.04.2020թ-ի թիվ 1507699 որոշման եզրափակիչ մասը Ա/Ձ Անահիտ Բաղդասարյանի նկատմամբ տուգանք կիրառելու մասով փոփոխել՝ Ա/Ձ Անահիտ Բաղդասարյանի նկատմամբ կիրառել նախազգուշացում հարկային պատասխանատվության տեսակը:

ԻՐԱՎԱԲԱՆԱԿԱՆ ՎԱՐՉՈՒԹՅԱՆ ՊԵՏ



Ա.ՄԱՅԱԿԱՆՅԱՆ

Միաժամանակ տեղեկացնում ենք, որ ՀՀ Հարկային օրենսգրքի 410-րդ հոդվածի 3-րդ մասի համաձայն՝ միկրոձեռնարկատիրության սուբյեկտի նկատմամբ նախազգուշացումը կիրառելուց հետո՝ մեկ տարվա ընթացքում, նույն մասով սահմանված խախտման երկրորդ փաստ արձանագրվելու դեպքում վարչական ակտն ուժի մեջ մտնելու օրվան հաջորդող օրվանից հարկ վճարողը դադարում է համարվել միկրոձեռնարկատիրության սուբյեկտ: